



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Perfectionibvs Moribvsqve Divinis Libri XIV**

**Lessius, Leonardus**

**Antverpiae, 1620**

Cap. II. Discrimen Sanctitatis diuinæ & creaturarum.

[urn:nbn:de:hbz:466:1-46817](#)

ralem mentibus inserit. *Formale*, quia ipse est omnis sanctitatis ratio obiectua, speciem & formam illi impertiens. vnde se habet per modum causæ formalis, non informantis, sed altiori modo & absque imperfectione speciem tribuentis. *Exemplare*, quia omnis sanctitas debet conformari legi æternæ (quæ est ipsa rationis diuinæ rectitudo, ac proinde ipse Deus) tamquam regulæ & mensuræ suæ; & sicut opus artis debet conformari regulis artis. *Finale*, quia omnis sanctitas creaturæ dirigitur in Deum eiusque gloriam, ut in finem. Ideo enim omnis creatura sanctificatur, ut Deo tamquam ultimò fini inhæreat, cumque honoret, laudet, & glorificet.

## C A P . V T I I .

*Discrimen Sanctitatis divinae & creaturarum.*

**E**x his colligere licet multiplex discrimen inter sanctitatem Dei & sanctitatem creaturæ, quantumuis ea sublimis & sancta sit. Primo, Quia Deus per seipsum, nimirum per essentiam suam, sanctus est, siue de sanctitate fundamentali, siue de obiectua, siue de formalis loquamur, ut ex dictis constat. Nulla autem creatura potest esse sancta per suam essentiam: immo nulli creaturæ potest esse naturale, esse filium Dei, esse impeccabilem, habere Spiritum sanctum, videre Deum; quamvis id fiat per qualitates vel actus accessorios. Itaque solùm per dona supernatura naturæ superaddita sanctitatem habet.

Secundo, Sanctitas Dei est substantia, sicut & eius sapientia, & amor, & ceteræ virtutes; sanctitas creaturæ est qualitas substantiæ accessoria, eaque multiplex, complectitur enim varios actus & habitus, tum intellectus, tum voluntatis. Intellectus enim debet esse illustratus fide vel lumine gloriae: voluntas charitate, religione, & aliis virtutibus supernaturalibus charitati subservientibus. Quamvis enim ipsa propriæ & formaliter in charitate consistat, tamen requirit multa alia, vel prævia, vel ut subservientia.

Tertio, Sanctitas Dei est omnino infinita & intensius & extensius: tantum enim se amat Deus, quantum est amabilis; tantaque est puritas in amore, quanta est in perfectione essentiae. Extendit etiam se ad infinita, nimirum ad opinionem quæ cernit in sua essentia; illa enim omnia placent ipsi propter semetipsum & gloriam suam. Creaturæ autem sanctitas utroque modo est finita & limitata: ne-

N 2 que



que enim tam ardenter amare Deum potest quam ipse dignus est; neque ea estimatione qua dignus est; neque ad infinita distincte se potest extendere, ea adipius gloriari referendo.

Quartò, Hinc sit ut sanctitas Dei neque crescere possit umquam, nec minui. Non crescere, quia est unius et plenitudo sanctitatis infinita. Non minui, quia est essentialis. Creaturæ vero sanctitas potest crescere sine termino, & potest minui usque ad nihilum: nempe si naturam rerum species, & nisi Deus terminos praefixisset.

Quintò, Sanctitas Dei est superior omni sanctitate & puritate intelligibili, & in ipso praexistit & superexistit ab aeterno ipsa sanctitatis ratio & plenitudo superessentialiter, adeo ut sanctitas creaturæ ad illam puritatem comparata, sit instar nihili, & veluti impuritas quedam. Simili modo tota potentia, sapientia, pulchritudo, excellentia totius creaturæ ad diuinam potentiam, sapientiam, pulchritudinem, excellentiam collata, est instar nihili. unde Theologi docent, totum uniuersum una cum Deo sumptum, non esse quid præstantius Deo solo, tum quia non addit aliquid notabile Deo, sicut una arenula non addit aliquid notabile immensitati Cœli; tum quia etsi semel productum sit, adhuc continetur in Deo eminenter & idem numero: unde nihil addit quod in Deo non sit excellentiori modo. Hinc Dominus Match. 19. *Quid me interrogas de bono? unus est bonus, Deus.* & Ecclesia in Hymno Angelico, *Tu solus sanctus, tu solus Dominus:* quia in ipso solo uniuersitas boni, & sanctitatis, & dominij; & quidquid extra illum reperiatur boni, aut sanctitatis, aut dominij, id totum est instar nihili, comparatione eius quod est in Deo, ut pote infinite ab excellentia illa deficiens.

Sextò, Sanctitas Dei est causa efficiens, & conservans, & exemplaris, & formalis seu specificans, & finalis omnis sanctitatis creaturæ, ut antea ostensum est.

### C A P V T III.

#### *Tria Consectaria dictorum de Sanctitate.*

**E**x his quæ dicta sunt pater. Primo, Quanta puritate animi, reverentia, & attentione illum colere debeamus. Cum enim sit ipsa puritas & sanctitas, in suis cultoribus summam puritatem requirit,